

茅山志卷之十七九十八

上清洞宗師劉大彬造師五

樓觀部篇

元符萬寧宮在積金山陶隱居道靖故基劉先生混康處居其上先生以道遇哲宗詔以所居為元符觀崇寧五年落成徽宗御題額曰元符萬寧宮復於上清儲祥宮之側建元符別觀為先生入朝寓直之所今宮舊製其初登山為通仙橋直元符萬寧宮門左官廡右浴室第二門曰玉華之門正殿祠三茅真君曰天寧萬福殿左玉冊殿右九錫殿東廡景福萬年殿西廡飛天法輪殿左鐘樓右經閣天寧殿後為大有堂東庫堂西雲堂雲堂後為寶籙殿景福殿後為雲厨大有堂後曰采妙堂左知官位三素堂右副知官位九真堂北極閣在寶籙殿後東妙堂後曰震靈堂又有清神庵在堂後建炎四年為盜焚毀紹興戊寅高宗賜金重建御書官額理宗朝初修御書上清宗壇聖德仁祐之殿二榜崇禧萬壽宮在下山前隱居華陽下館唐

貞觀九年太宗為王法主建號太平觀天寶七年玄宗勅李玄靜取側近百姓一百戶並免租稅科徭長充修葺酒掃中和間盜火所焚天祐間都落遷重建宋改賜崇禧觀額建炎復遭火焚塔再造寧宗賜高士易如剛止堂方丈二御書勝理宗御書玉氣凝潤鶴情超逸八字并寶珠林勝賜司徒師坦大元延祐六年奉勅改官

玉晨觀在雷平山北高辛特展上公周有郭四朝真人秦已陵侯姜叔茂漢杜廣子東晉楊真人許長史父子並此得道宋太始中道士王舉為長沙景王雅所推重就長史宅東起長沙館累天監十三年勅買為朱陽館為陶真人住止立昭真臺供養揚許三真人真蹟經語唐太宗為桐栢先生勅建華陽觀天寶七年玄宗為玄靜先生勅改紫陽觀仍勅取側近百姓二百戶並免租徭求充修葺南唐王貞素繼居之宋大中祥符元年勅改玉晨觀完錄君受言近所標靜舍地此金鄉至室若非許長史父子豈得居之後世當有亦

子賢者延得居此鄉耳正此金陵地脾福地也

崇禧觀在大茅山下華陽洞南便門之前晉真人任敷成道之故宅也宋元嘉十一年路太后始建壇宇太始中廬陵太守魯國孔嗣之重立供養道士曲阿華文賢齊建元二年勅立崇元館太子武帝臨幸館主王文清開置室宇廡廊殊為方副唐貞觀初勅改崇元觀天寶七年玄靜先生奉勅重修仍取側近百姓一百戶蠲免租徭長充修護宋大中祥符七年勅賜名定錄君受言大茅山下亦有泉水其下可立靜舍近水口處起住隱居云今近雨大洞口有好流水而多石少出便平比世有來居者齊初延勅勿容人王文清仍此立館號為崇元則此觀是矣有唐太極元年碑在拾遺孫處玄文揚幽經書餘字漫不可識大元泰定元年國子司業虞集重撰碑文隸刻于太極碑陰

下泊宮在中茅西大司命右以漢地節三年自咸陽昇舉徑來句曲外立茅舍以候二弟

處也隱居云父老相傳題言大茅之西北平地棠梨樹間名下泊處言是司命故宅是矣唐貞觀十一年重立碑桃源黃先生文和州盧使君書今刻非舊唐御史大夫王公緯嘗修是宮此記之所作也

華陽宮在積金山西隱居上館天寶七年三月玄宗從玄靜先生受上清經錄勅度道士焚修後燬于兵宋政和中道正莊慎質重建隱居丹井樓臺在焉

乾元觀定錄君受言大橫山下有泉水昔李明於此合神丹而昇玄洲天監十四年隱居初營園齋室以追玄洲之蹤天寶中玄靜先生居之勅建樓真堂會真樓仙道德迎恩拜表五亭大中祥符二年觀妙先生築九層壇行道天聖三年賜名集虛庵續勅改今額

燕洞宮在燕口洞女仙人錢妙真造化立祠之所梁邵陵王為記碑不存天寶七年勅修賜宮額度女道士三人奉香火元祐甲辰為野煉所焚遷立句容縣紹興二十年復建故基祠宇宮在中茅西與鶴廟鄰天寶七年勅

在廟下立精舍度道士焚修奉三茅君道祖香火也田員外郎柳誠撰碑亡

華陽觀梁昭明太子故宅古名鴻禧院一名福鄉館在崇壽觀西寶曆二年奉勅置改號寶曆崇元聖祖院時質皇李德裕奉

老子孔子尹真人三像供養太玄周先生於此治平中賜名鴻禧觀宣和改賜今額

天聖觀在積金山上天監初隱居初小沼養雷平地龍子貞觀間王法主庵居遇法本仙人肅宗至德中賜名大院宮唐末遂廢景德

三年明真先生張紹英廬其處明真與朱觀妙為明肅太后傳錄保度二師天聖三年九月賜所居為延真庵五年改賜觀額

樓真觀在華陽宮之西隱居中館桃源黃專師所居和州盧士牟撰碑不存宣和中賜額

五雲觀在五雲峯下天聖中建丞相王公欽若即世後許國夫人請于朝為公樓神之所因賜觀額晏元獻公撰碑

清真觀在大羅源政和中道人吳德清結庵以待雲水之衆徽宗賜以觀額每歲三月十

八日四方道人畢集禮謁茅君齋時多有白鶴翔逸因傳謂鶴會焉

白雲崇福觀在白雲峯下華陽宮知宮王景溫退居於是溫以其名聞德壽宮勅賜觀額累遷道觀道過四朝寧宗皇孫時嘗從受戒

法即位賜號虛靜真人徽猷閣學士戴溪撰觀記

凝神庵在黑虎谷紹興庚午祠宇宮道士張椿齡所初張初名達道高宗歲遣使降香山中乙亥歲中使以達道名聞于上累召對德

壽殿賜摩納被水精環紫石茶磨御書陰符清靜二經且命圖其形於神仙閣

昇元觀舊白鶴廟司命真君專祠也在中茅西天寶間詔修祠宇度道士焚修列于祀典政和八年建康守臣俞與奏賜今額建炎三

年為盜焚毀紹興十四年道士茅宗白重建於故基之南劉至孝三遇靈桃其地事見米真海篇

抱元觀在柳汧泉上政和八年姑蘇陳希微從劉先生學道居此柳谷庵後勅改觀慶元

間王元綱重建

元陽觀古觀名見顧況詩此觀十年游此房
千里宿還來舊窓下更取君詩讀今觀在茅
洞之上隆興初吳興道人沈善智者居自
稱洞主遇斬王韓夫人茅氏為創殿宇初名
沖虛庵慶元間請額為觀

藏真觀靜一劉宗師基廬也在疊玉峯大觀
中奉勅建

紫陽觀舊名洞雲庵建矣中河北博州道人
王若寧者來山獨居丁公山東巖下夜夢神
人指巖穴曰此鄧都考訊之所可去洞百步
居焉至秦檜殺夫人王氏純素詣靖真李宗
師乞拜章知檜繫此鄧山獄中王命其子塘
即洞口建太乙殿以求冥釋所施猶與石記
存焉大元至元癸未歲奉璽書為觀存古額
也

崇元觀紹興末桐川石先生名元朴從楊直
甲學道結庵常寧鎮之南岡以醫濟人日織
草屨一緡兼錢十文懸於戶外之樹使行者
自取之寒暑弗渝也年八十八無疾而逝漫

塘劉宰為文祭之大元丙子歲奉璽書以古
額為觀其徒嗣守藥室

聖祐觀在大茅山頂延祐三年奉制書賜額
加封大君真應真君

德祐觀在中茅山頂同前奉制書賜額加封

中君妙應真君

仁祐觀在小茅山頂同前奉制書賜額加封
小君神應真君

三茅真君廟太元內傳曰漢明帝永明二年
勅郡縣修丹陽句曲真人之廟隱居云此廟

今猶在山東及山西諸村並各造廟大茅西
為具墟廟中茅後山下為述墟廟今並廢惟

昇元觀本名鶴廟在祠宇之上紹興間奉皇
后中旨重建丹光發于故址道士呂雲為記

不存

廣濟廟天聖觀龍祠也紹興賜額淳熙紹熙
淳祐三封神龍為敷澤廣應利濟侯

元符萬寧宮神祠封護聖侯廟元符宮二使
者祠封靈祐靈護侯廟事具宋史

茅司徒廟在乾元觀東南臨姜巴路昔有人

居疾卧道邊夜半有導從乘馬者至呵問之
其人告以疾作乘馬者與之元藥且曰我茅
司徒也旦而疾愈因立廟其地事見稽神錄
建康深陽東門外一里亦有祠
茅山志卷之十七